



Vischnaunca
Tujetsch

Regulativ da taxas tier la lescha da santeri per la vischnaunca Tujetsch

Approbaus entras la suprastonza communalia ils 1 da matg 2023

Sebasond sin artechel 7 dalla lescha da santeri per la vischnaunca Tujetsch relai la suprastonza communalala quest regulativ da taxas.

Art. 1 Taxes da satrar

Per cuvierer ils cuosts incassescha la vischnaunca las suandontas taxas unicas:

- a) Per persunas domiciliadas en vischnaunca:

- per la sepultura d'ina bara	frs. 700.00
- per la sepultura d'ina urna en ina fossa cun ina bara ni urna	frs. 300.00
- per la sepultura d'ina urna en ina fossa en retscha	frs. 400.00
- per la sepultura d'ina urna en la fossa communabla, incl. l'inscripziun e manteniment duront il temps da ruaus	frs. 1'020.00
- per la sepultura d'ina urna sil santeri per urnas, incl. platta crap e manteniment duront il temps da ruaus	frs. 1'900.00

- b) Per tut quels ch'ein morts sin territori dalla vischnaunca e tals che vegnan satrai cun lubientscha dalla suprastonza communalala (burgheis da Tujetsch che habiteschan ordeifer e defuncts cun relaziuns specialas cun la Val Tujetsch) incassescha la vischnaunca las suandontas taxas unicas:

- per la sepultura d'ina bara	frs. 1'000.00
- per la sepultura d'ina urna en ina fossa cun ina bara ni urna	frs. 500.00
- per la sepultura d'ina urna en ina fossa en retscha	frs. 600.00
- per la sepultura d'ina urna en la fossa communabla, incl. l'inscripziun e manteniment duront il temps da ruaus	frs. 1'220.00
- per la sepultura d'ina urna sil santeri per urnas, incl. platta crap e manteniment duront il temps da ruaus	frs. 2'200.00

Art. 2 Diever dallas taxes

La taxa pauschala cumpeglia las suandontas prestaziuns dalla vischnaunca:

- a) il cavar e cuvierer la fossa
b) il manteniment dalla fossa communabla

Art. 3 Taxa pil manteniment dalla fossa

Tenor art. 22 dalla lescha da santeri sa il manteniment dalla fossa vegnir surdaus alla vischnaunca. La vischnaunca incassescha per igl entir temps da ruaus (min. 20 onns):

- a) per ina fossa cun bara frs. 6'000.00 (frs. 300.00/onn)
b) per ina fossa cun urna frs. 4'000.00 (frs. 200.00/onn)

Aschinavon ch'il manteniment vegn surdaus per in pli cuort temps, sereducescha la contribuziun corrispudentamein.

Art. 4 Vigur

Quest regulativ ei vegnius approbaus dalla suprastonza communalala a caschun dalla seduta dils 1 da matg 2023.